

# Powšitkowne WOZJEWJENJA

njedźelu, 22. meje 2016

## Wječorna Boža mša na Bože ćelo w Róžeńće

Na swjedženju Božeho ćela, štwórtk, 26. meje, budže w Róžeńčanskej swjatnicy w 19 hodź. serbska Boža mša. Na nju su wšitcy ći přeprašeni, kotřiž so dopođnja na kemšach wobdźelić njemóža.

## Z busom na zjězd katolikow

Štóž chce sej na 100. zjězd katolikow Němskeje do Lipska dojeć, ma k tomu z busom dvě móžnosći. Radworske Šmitec wozydłownistwo poskičuje jězbje sobotu, 28. meje, kaž tež njedźelu, 29. meje. Zajimcy měli so pola Šmitec w Radworju přizjewić, telefonowe čisło (03 59 35) 28 60.

## Za putnikowanje do Krupki so přizjewić

Młodostni wot 16 lět su přeprašeni, wot njedźele, 3. julija, do Krupki putnikować. Woni nawróća so pjatk, 8. julija. Přizjewić měli so zajimcy hač do pjatka, 3. junija, w Chrósćicach na farje, telefonowe čisło (03 57 96) 80 400. Po tym so přizjewjenja hižo njepřijimaja. Putnicy zetkaja so njedźelu, 5. junija, po nyšporje w Chrósćicach na farje, štož je za wšitkich nowačkow winowatosć. Nyšpor započnje so w 14 hodź. Putniska Boža mša w Krupce budže srjedu, 6. julija, w 10 hodź.

## Nalětni koncert Lipy w klóšterskej zahrodze

Wšitkich zajimcow zbliska a zдалоka přeprašuje chór Lipa na swój lětuši nalětni koncert, kotryž budže njedźelu, 22. meje, w 15.30 hodź. na zahrodze Zežiwjenskeho a zeloweho centruma w klóštrje Marijinej hwězdze w Pančicach-Kukowje. Wot 15.00 hodź. poskiča tam kofej a tykanc. Lětsa su sej Lipjenjo chór Bratrowstwa z Kulowa přeprašyli.

## Wulět samostejacych do Lipska

Samostejacy ze serbskich wosadow změja wutoru, 14. junija, swój lětuši zhromadny wulět z busom, kotryž powjedže do Lipska. Zajimcy njech so hač do póndzele, 6. junija, w redakciji Katolskeho Posoła přizjewja, telefonowe čisło (0 35 91) 55 02 12. Časy wotjězda busa z jednotlivych wsow so njedźelu do wulěta wozjewja.

## Jubilejny koncert zhromadzenych chórow z Hornjeje, srjedźneje a Delnjeje Łužicy

Składnostnje 25. róčnicy znowazaloženja Zwjazka serbskich spěwarskich towarstwow z.t. (ZSST) wuhotuja chóry z Hornjeje, srjedźneje a Delnjeje Łužicy njedźelu, 5. junija, w 17 hodź. jubilejny koncert w Budyskim Němsko-Serbskim ludowym dźiwadle. Něhdže 200 spěwarkow a spěwarjow zanjese w swoim programje sep najrjeńšich serbskich spěwow, kotrež zaklinča w tradicionelnym, ale tež w tróšku modernišim šaće. Cyłkowny nawod změje předsyda ZSST Pětr Cyž. Na koncerće zaklinči přeni raz nowy medley z jeho pjera. Předsydstwo ZSST wšitkich lubowarjow chóroweho spěwa wutrobnje přeprašuje. Hižo džen do toho, sobotu, 4. junija, we 18 hodź. poskići so jubilejny koncert w cyrkwi swjateho Mikławša w Choćebuzu.

## **Kolesujo putnikować**

K putniskemu tyźdenjej na kole přeprašuje Smochčanski Dom biskopa Bena wot 7. do 14. awgusta. Hornja Łužica ma mnohe rozdźelne kolesowarske puće, kotrež chcedža w tych dnjach nazhonić. Po puću su putnicy k rozmołwam, rozpominanju, čitanju a dalšemu přeprašení. Čary powjedu po holi a hatach, po serbskich wsach, hornjołužiskich horach, podłu Łobja a Nysy. Etapy su wob džeń něhdže 40 do 50 kilometrow dołhe. Zajimcy měli so w Smochćicach pod telefonowym čislom (03 59 35) 2 23 15 přizjewić.

## **Koparski turněr młodźiny**

Na koparski turněr su młodostni ze serbskich wosadow přeprašení. Tutón wotměje so sobotu, 18. junija, w 14 hodź. na sportnišću w Pěskecach.

## **Ministrantska kopańca**

Na koparski turněr su ministranća ze serbskich wosadow přeprašení. Tutón wotměje so sobotu, 18. junija, w Pěskecach. Započatk budže w 9.00 hodź. z Božej mšu we wjesnej cyrkwiće.